

## Buitensporige salarisse

# Grootbase kry 145 keer soveel soos jy

## Shoprite het grootste salarisgaping

**Gerrit van Rooyen**

Johannesburg. – Die gemiddelde uitvoerende hoof se vergoeding is byna 145 keer soveel soos die gemiddelde Suid-Afrikaanse loon.


Oor die afgelope vyf jaar het die salarisgaping in Suid-Afrika aansienlik toegeneem, want in 2010 was dit “net” 108,9 keer soveel, volgens navorsing van die beleggersfirma Mergence Investment Managers.

In Suid-Afrika, wat een van die hoogste vlakke van inkomste-ongelykheid ter wêreld het, is die onderwerp van uitvoerende hoofde se salarisse ’n netelige saak, sê Brad Preston, portefeuljebestuurder van Mergence. Hy het gister op ’n mediakonferensie in Johannesburg gepraat.

Mergence het in 2013 die vergoedingspakkette van uitvoerende hoofde van maatskappye wat op die JSE genoteer is, bestudeer. Uit dié navorsing blyk dit dat die gemiddelde uitvoerende hoof se vergoeding nou 144,6 keer soveel soos die gemiddelde Suid-Afrikaanse loon is. Die grootste verdieners was die base van groot multinasionale maatskappye soos BHP Billi-

### Só vergelyk salarisse

Gemiddelde HUB\*-vergoeding vs. gemiddelde maatskappyloon



\*Hoof- uitvoerende beampte  
Bron: Mergence Investment Managers Grafika24

ton, Anglo American en British American Tobacco.


Die sewe hoogs betaalde hoofde het 300 keer soveel soos die gemiddelde werkende Suid-Afrikaner verdien.

Preston sê dit is moeilik om die salarisgaping tussen ’n hoof en die laags besoldigde werker vas te stel, maar die meeste maatskappye weet wat die data vir die gemiddelde werker is.

Shoprite het die grootste salarisgaping tussen ’n hoof en die gemiddelde werker van die maatskappye wat Mergence ge-

### Top-10 grootste salarisgapings

HUB vs. gemiddelde werknemer



Bron: Mergence Investment Managers Grafika24

meet het. In 2013 het Whitey Basson, uitvoerende hoof, 725 keer soveel soos die gemiddelde Shoprite-werker verdien.

In Suid-Afrika verdien uitvoerende hoofde gemiddeld 73,1 keer soveel soos die gemiddelde werknemer in dieselfde maatskappy, volgens Mergence se navorsing.

“Vergeleke met sekere ont-

wikkelde lande is dit nogal hoog,” sê Preston. In Australië is die syfer 54,7 keer en in Noorweë net 30,1.

“Ons weet vergoeding is ’n belangrike manier om hoogs bevoegde bestuurders na maatskappye te lok,” sê Preston. “Maar terselfdertyd skep ekstreme salarisse en inkomste-ongelykheid in maatskappye... langtermyn-risiko’s.”

Preston stel voor dat genoteerde maatskappye die salarisgaping tussen hul uitvoerende hoof en die laags besoldigde werker in hul jaarverslae bekend maak.

“Amerika is tans besig om die saak te debattee,” sê Preston.

Op die oomblik kan Suid-Afrikaanse aandeelhouders op algemene jaarvergaderings oor uitvoerende hoofde se salaris stem, maar dit is ’n nie-bindende stem.

“Die maatskappy het geen wetlike verpligting om die uitslag van ’n stemming na te kom nie.”

Australië, Switserland en Spanje het in die laaste paar jaar wette aanvaar wat aandeelhouders groter mag oor die salarisse van uitvoerende hoofde gee.